



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<<15>> մարտի 2019թ.

Ո Ր Ո Շ ՈՒ Մ No. 391 /19-Ա

**Ջկատարված հարկային պարտավորությունները գանձելու մասին**

Հայաստանի Հանրապետության պետական եկամուտների կոմիտեի իրավաբանական վարչության պետ Ա.Մնացականյանս քննարկելով «Ա.Հ.Ա. Հովասյաններ» ՍՊԸ-ի վերաբերյալ վարչական վարույթի նյութերը

**Պ Ա Ր Զ Ե Ց Ի**

Համաձայն հարկային մարմնում առկա անձնական հաշվի քարտի տվյալների «Ա.Հ.Ա. Հովասյաններ» ՍՊԸ-ի (ՀՎՀՀ՝ 03022901, հասցե՝ ք.Հրազդան, Նարեկացու 2, պետ. գրանցման համար՝ 85.110.1022977) չկատարված հարկային պարտավորությունը 27.02.2019 թվականի դրությամբ կազմել է 2.706.520 դրամ, որից ապառք՝ 2.534.996 դրամ, տույժ՝ 166.349 դրամ, տուգանք՝ 5.175 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին 27.02.2019թ.-ին հարկ վճարողը ՀՀ ինտերնետով ծանուցման պաշտոնական կայքում տեղադրելու միջոցով պատշաճ կերպով ծանուցվել է, չի ներկայացել վարույթի նյութերին ծանոթանալու համար և որևէ բացատրություն չի տվել:

Սույն վարույթի շրջանակներում առկա 1.968.331 դրամ պարտավորությունը, որից ներմուծման ավելացված արժեքի հարկի գծով՝ 1.868.647 /ապառք՝ 1.863.005 դրամ, տույժ՝

5.642 դրամ/, որն առաջացել է հոկտեմբեր-դեկտեմբեր ամիսների հաշվարկներից, եկամտային հարկի գծով՝ 89.913 դրամ /ապառք՝ 89.700 դրամ, տույժ՝ 213 դրամ/, որն առաջացել է 2018 թվականի հոկտեմբեր-դեկտեմբեր ամիսների հաշվարկներից, սոցիալական վճարի (ամսական) գծով 9.771 դրամ /ապառք՝ 9.750 դրամ, տույժ՝ 21 դրամ/, որն առաջացել է 2018 հոկտեմբեր-դեկտեմբեր ամիսների հաշվարկներից, ենթակա են գանձման համապատասխանաբար 19.12.2018, 16.01.2019 և 11.02.2019 թվականներին ՀՀ ՊԵԿ իրավաբանական վարչության պետի կողմից կայացված թիվ 547-34 Ա, 1892-34 Ա և 2954-19 Ա որոշումներով:

27.02.2019 թվականին հարուցված վարչական վարույթի շրջանակներում առկա 40.422 դրամ պարտավորությունը, որից եկամտային հարկի գծով՝ 36.068 դրամ /ապառք՝ 35.880 դրամ, տույժ՝ 188 դրամ/, որն առաջացել է 2019 թվականի հունվար ամսվա հաշվարկից, սոցիալական վճարի (ամսական) գծով՝ 4354 դրամ /ապառք՝ 3.900 դրամ, տույժ՝ 454 դրամ/, որն առաջացել է 2019 թվականի հունվար ամսվա հաշվարկից ենթակա չէ գանձման սույն որոշմամբ:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է 697.767 դրամ, որից՝

**ներմուծման ավելացված արժեքի հարկի** գծով պարտավորությունը կազմում է 647.215 դրամ, այդ թվում ապառք՝ 497.371 դրամ, տույժ՝ 149.844 դրամ, որն առաջացել է 2018 թվականի սեպտեմբեր ամսվա հայտարարագրից և ՀՀ հարկային օրենսգրքի 401 հոդվածի համաձայն հաշվարկված տույժերից,

**եկամտային հարկի** գծով պարտավորությունը կազմում է 24.990 դրամ, այդ թվում ապառք՝ 17.940 դրամ, տույժ՝ 7.050 դրամ, որն առաջացել է 2018 թվականի սեպտեմբեր ամսվա հաշվարկից և ՀՀ հարկային օրենսգրքի 401 հոդվածի համաձայն հաշվարկված տույժերից,

**շրջանառության հարկի** գծով պարտավորությունը կազմում է 25.562 դրամ, այդ թվում ապառք՝ 17.450 դրամ, տույժ՝ 2.937 դրամ, տուգանք՝ 5.175 դրամ, որն առաջացել է 2018 թվականի 2-3-րդ եռամսյակների հաշվարկներից և ՀՀ հարկային օրենսգրքի 401, 402 հոդվածների համաձայն հաշվարկված տույժերից և տուգանքից,

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար է, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն <<Հայաստանի Հանրապետության 2019 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

**Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ Հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:**

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

## Ո Ր Ո Շ Ե Ց Ի

1. «Ա.Հ.Ա. Հովսայաններ» ՍՊԸ-ից գանձել 697.767 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:

3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

**ԻՐԱՎԱԲԱՆԱԿԱՆ  
ՎԱՐՉՈՒԹՅԱՆ ՊԵՏ**



**Ա. ՄՆԱՑԱԿԱՆՅԱՆ**

Ստացա որոշման օրինակը

Ստորագրություն

հարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ

Կատարող՝ Ի.Վ. ՀԳ քաժին,  
գլխավոր մասնագետ Ա.Ավդյան  
Հեռ. 011549191 /91-71/